

卷十八

書名 錦繡萬花谷後集四十卷 嘉靖十五年序
錫山秦汴繡石書堂刊本後修
撰者 宋 闕名 撰
卷 卷十八
內容分類 子-類書-彙考-宋
索書號 大木-子部-類書類-31
編號 C5924800

[彩色首頁1](#)

[東洋文化研究所漢籍目錄 編號: C5924800](#)

[東洋文化研究所漢籍目錄所藏漢籍善本全文影像資料庫 索書號: 大木-子部-類書類-31](#)

[漢籍善本全文影像資料庫文本錦繡萬花谷後集四十卷 嘉靖十五年序錫山秦汴繡石書堂刊本後修](#)

版權所有: [東京大學](#) [東洋文化研究所](#)
[使用上的注意事項](#)

錦繡萬花谷後集卷之四

元日

微陽始布聲無不宜和神養素
上義之月儀書曰日往月來元正首祚太簇告辰

端月
上燭寶典云元正端月

傳
唐長安風俗每至元日已後遞飲酒相邀迎號
出法苑珠林

放
鄆以正朝獻雀於趙王而綴以五綵王大悅

申
子順子順曰正朝放之求有生也 出初學記

膠
日食膠牙錫取膠固之義 出荆楚歲時記

武帝正月賜群臣却鬼丸 出碎事

金門歲節曰洛陽人家正旦造絲鵝蠟燕粉

四庫全書

錦繡萬花谷後集卷之十七

錦繡萬花谷後集卷之十八

赦宥

珍物出武帝元封六年詔曰朕祀首山昆田出珍物或

化黃金祭祀后土神光三燭其赦汾陰殊死以下

出漢書

甘露降宣帝神雀二年二月詔曰乃者鳳皇集甘露降

京師羣鳥從之以萬數其赦天下

出漢書

景星見後主景曜元年景星見於是大赦改元

出漢書

得銀印孫皓天冊元年吳郡言掘得銀印長一尺廣三

分刻上有年月字於是改年大赦

出吳志

得玉璽崔鴻前趙錄曰劉元海遷都平陽汾水中得玉

璽又曰有新保之泉元海蓋王莽時璽也獻者因增其

三字元海以爲巳瑞大赦天下改年也

明堂明帝永平二年宗祀光武於明堂祀畢升靈臺望雲物大赦天下出漢書

南郊咸熙二年帝設壇受命南郊幸太極殿大赦天下
鶴留漢書詔曰朕郊見上帝巡于北邊上見羣鶴留止光景並見其赦天下

嘉瑞詔曰嘉瑞並見鸞鳳萬舉其赦天下

瓠子歌武帝元封二年臨決河塞河隄作瓠子歌赦所道過徒出漢書

石刻皇帝字孫皓天璽元年吳郡言臨平湖自漢末草穢擁塞今更開通長老相傳此湖邊石函中有小石青白色長四寸廣二寸餘刻作皇帝字於是改年大赦出吳志

成帝自新成帝咸康元年詔曰有司條典虔奉郊祀燔柴既饗芳氣清穆其赦天下令咸得自新

風從已上來風角書曰冬至後丁巳日有風從已上來有大赦

呂蒙病吳書呂蒙病孫權迎置內廐夜不能寐病瘳為下赦令

王猛疾崔鴻前秦錄曰王猛疾病未瘳符堅大赦殊死

以下

聖人宥天下幽籥動園陞六甲迎黃氣三元降紫泥籠僮西上鼓振迅廣場雞歌舞將金帛汪洋被遠黎○書報天中救人從海上聞九泉開白日六翩起青雲命偶恩先愆情孤枉未分自憐涇渭別誰與奏明君並沈期

賞賜

萬畝

趙列侯好音鄭歌者三人賜之田萬畝史記

千鍾

孔子曰自季孫之賜我千鍾也而交益親也家語

金鉤

東觀漢記曰楊賜以病罷居無何拜太常詔賜御

府衣一襲自所服冠幘綬王壺革帶金錯鉤珮

王珎

馮魴爲侍中稍遷衛尉能取悅當時爲安帝所寵

帝幸其府留飲十日賜駭犀玉具綬珮刀紫艾綬王珎

漢書

青羔裘

成帝好爲蹴鞠群臣以蹴鞠勞體非輕所宜帝

曰朕好之可擇似而不勞者奏之家君作彈碁以獻帝

大悅賜青羔裘紫綵履服以朝觀

西京雜記

數日累千金

衛青姊子夫得入宮幸上青時給事建章

未知名武帝於是召青爲建章監侍中賞賜數日間累

千金

漢書

鉅萬

明帝嘗夢見后於是差次舅氏親疎高下叙用各

有差賞賜鉅萬

魏志

田宅

甘羅謂文侯曰借臣車五乘請爲張唐先報文信

侯乃言之於始皇使於趙趙襄王郊迎甘羅說趙攻燕

得上谷三十城令秦有十一甘羅還報秦乃封羅以爲

上卿復以甘茂田宅賜之

史記

三頃宅

蘇武初從匈奴還詔拜典屬國中二千

石賜錢二百萬公田二頃宅一區

漢書

衣帛各一篋

永平三年上賜東平王蒼書曰歲月驚邁

山陵寢遠孤心慘愴今以光烈皇后假帛仲衣各一篋

遺王可時視瞻以慰凱風寒泉之恩東觀漢記

賜衣被曹植表稱詔曰皇帝問雍丘王先帝昔常非於

漢氏諸帝積貯衣被使敗於函篋之中遺詔以所服衣

被賜公王卿官僚諸將今以十三種賜王

黃金白璧虞卿者遊說之士躡屨檐簪說趙孝成王一

見賜黃金百鎰白璧一雙再見為趙上卿故號曰虞卿

史記

初見賜千金梁孝王招延四方豪傑齊人公孫詭多奇

邪計初見日王賜千金官至中尉

綬笥銘張衡綬笥銘序曰南陽太守鮑德有詔所賜綬

金笥為作銘曰懿矣茲笥爰藏寶神金纓組履文章曰

信

金武陵五溪蠻夷作難詔遣車騎將軍馮緄南

征緄表應奉金錯刀一具

朱劍太宗為徐州刺史昭太后賜以火珠鹿盧劍

百疋宣帝詔曰乃者鳳凰集新蔡其賜汝南太守帛

百疋並漢書

錢祭彤為遼東太守三十年衣無儲副世祖嘉其

功賜錢百萬東觀漢記

太液仙舟迥西園隱上才未曉征車度雞鳴關早開

唐太宗賜疾風知勁草板蕩識忠臣勇夫安識義智者

必懷仁又賜帝道屬昇平天文預觀象茲生荷化育博

雅多含養正始振皇風端居留眷想夕拜參近侍朝恩

濫弘獎溫樹貴不言克艱庶無爽賜許善心

貢獻

純牛

成王時西夷貢獻卜盧純牛

純牛牛之小者孔晁注曰卜盧盧之西北

戎今盧水是也周書

文馬

建武二十六年南單于遣使獻駱駝二頭文馬十

疋東觀漢記

九龜

九江納錫大龜孔傳云尺二寸曰大龜出九江水

中

大貝

夏成五服外薄四海南海魚革珍大貝

鄭注所貢物也兵右

以為貨尚書外傳

青帶

魚豢魏畧曰漢陽嘉三年疏勒國王獻西海青右

帶

白環

西王母慕舜德來獻白環及玦并貢益地圖

帝王世紀

火鼠毛

景初二年二月西域獻火浣布東方朔神異經

曰南荒之外有火山晝夜火燃火中有鼠重百觔毛長

二尺餘細如絲可以作布恒居火中時時出外而白色

以水逐而沃之乃死取緝其毛織以為布

魏志

冰蠶繭

王子年拾遺記曰冰蠶長十寸有鱗角以雪霜

覆之然後為繭其色五彩織為文錦入水不濡投火不

燎唐堯世海人獻之以為黼黻

甘肅

鄧德明曰雩都縣土壤肥沃偏宜甘蔗味及彩色

餘縣所出無一節數十碎郡以獻御

南康記

美梨

魏武帝昔為交州牧上書曰山陽郡美梨謹獻甘

梨三箱

丹砂

成王時四夷來貢卜盧人西南之蠻丹砂所出

周書

玄玉夏成五服外薄四海主諸靈龜陰谷玄玉卿玄注

白鵲閩越王獻高祖白鵲各一雙高祖大悅厚報使者

西京雜記

丹鵲王子年拾遺記曰塗國獻青鳥丹鵲各一雄一雌

奔盧草郭子橫曰元鼎元年超招仙門於閣上燃芳故

燈此草形如麻奔盧國來獻洞冥記

金苔王子年拾遺記曰晉惠帝時祖黎國貢蔓苔色如

金繁叢如雞卵投水中蔓延波瀾之上如火宮人有幸

者以金苔賜之置漆盤中照燭滿室名曰夜月

成王時康人獻桴以者其實食之宜子孔晁注曰

成之別食芳苡即有躬周書

神精香草郭子橫曰光和元年波祗國亦名波獻神精

香草一名荃蘼藥一根而百條其枝間如竹節柔軟其皮

如絲可爲布所謂春蕪布亦曰堅密如冰統也握之一

片滿宮皆香婦人帶之彌芬馥也洞冥記

御橘楊孚曰橘爲樹白花而赤實皮既馨香裡又有美

味交趾有官長一人秩三百石主歲貢御橘異物志

文瓜王逸荔枝賦曰大哉聖皇處乎中州東野貢落疏

之文瓜南浦上黃甘之華橘

文馬周成王時犬戎獻文馬文馬赤鬣縞身目若金名曰古黃之乘孔晁注曰犬

戎西戎之遠者

白牛成王時大夏獻茲白牛茲白牛野獸也牛形而象齒孔晁注曰大夏西北戎

合枝李葛洪曰初修上林苑群臣遠方各獻異果有合

枝李西京雜記

同心梨 呂光時燉煌太守宋歆獻同心之梨

吉光裘 東方朔曰天漢三年西國王使使獻吉光裘

記洲

昆吾劍 周穆王征西戎獻昆吾之劍赤刀切玉如切泥

子列

水玉 太康四年林邑王范能獻紫水精唾壺一口青白

水精唾壺 二口山海經曰堂夜之山多水玉郭璞注曰水玉即水精也交州雜記

金鏡 郭子橫曰望蟾閣上有青金鏡廣四尺元光中波

祗國獻此青金鏡照見魑魅百鬼不敢隱形洞冥記

薦舉

官庫六十家 韓子曰趙武薦四十六人於其君及武之

死也四十六人皆就賓位其無私德者若此人曰趙武以薦白屋之士管庫者六十家

對揚紫庭 劉琨薦任允識量簡大執心貞固使其得對揚紫庭必能撫翼霜露增崇台曜任蒙亮采以弘急賢之義

賢良方正 武帝詔曰丞相御史列侯二千石諸侯相舉賢良方正之士漢書

孝廉 武帝詔曰今詔書昭先帝聖緒令二千石舉孝廉所以化元元移風易俗也

大士貢名 嚴羽仕郡功曹刺史辟為從事郡舉孝廉曰

大士貢名下士貢身齊函貢身非高士也辭孝廉取吏部除無錫長耆舊傳

懷板入見黃穆爲郡主簿忠上率下朝廷肅清太守荆
寓舉穆孝廉乃薦讓殷仲才寓不聽遂懷板入見寓曰
若仲才者六選之首也而穆先之適足以興謗議使投
板於內出則臥病寓遂從之

建善旌逸詩曰翹翹車乘招我以弓尸子曰堯有建善
之旌

安車蒲輪以安車蒲輪徵枚乘易曰束帛戔戔貢于丘
園漢書

貢之天朝何楨字元幹爲弘農郡守有楊囂生爲郡吏
楨一見便待以不臣之禮遂貢之天朝晉書

元康二年太守羊伊以爲四科之貢宜盡國美遂扶輿

激喻以充歲貢趙穆別傳

輿筆丹墀杜預舉賢良方正表曰案蘇贊布行於草野
著德於閭閻放心直意若得珥筆丹墀惟方格言必有
諤諤匪躬之節

論道紫宮陸雲薦張瞻文曰若得言論端委太學錯總
藝文垂纓玉陛論道紫宮誠帝宮之瑰寶清廟之偉器
增輝日月陳蕃胡廣上疏薦徐孺子等曰伏見處士豫

章徐孺子彭城姜肱德行純備著于人聽若使擢登三
事協亮天工必能翼宣盛美增輝日月矣司馬彪續漢書

垂光虹蜺孔融薦禰衡表曰伏見處士禰衡淑質貞亮
英氣犖若得龍躍天衢振翼雲漢垂光虹蜺足以昭近
代之多士

錦繡萬花谷後集卷之十八

錦繡萬花谷後集卷之十九

經學

五經指南王元感爲四門博士撰書糾繆春秋振滯禮
繩愆等凡數十篇魏知古見其書歎曰五經指南也

本傳

殿中無雙肅宗詔鴻與諸儒論定五經同異於北京白
虎觀帝親稱制臨決鴻以才高論難最明諸儒稱之帝
數嗟美焉時人嘆曰殿中無雙丁孝公

石經陸又聰敏博學於五經最精熟館中謂之石經人
爲之語曰五經無對有陸又

論易折用朱雲魯人也五鹿充宗爲梁丘易元帝令與
諸易家論充宗秉貴辯口諸儒莫能抗有薦朱雲者召